

6 января 2013 года. Неделя 31 перед Рождеством Христовым, святых отец. Предпразднство Рождества Христова. Навечерие Рождества Христова. (Рождественский сочельник). Глас 6.

Господи, возвах, глас 6:

Господи, возвах к Тебе, услыши мя./ Услыши мя, Господи./ Господи, возвах к Тебе, услыши мя:/ вонми гласу моления моего,/ внемли возвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

Стихиры отцов, глас 6:

1. Стих: Изведи из темницы душу мою, // исповедатися имени Твоему.

Явися мира концем праотцев память,/ света истинно исполнена и зарями благодати сияющи:/ Христос бо, солнце светлое,/ свыше просияв издалеча,/ звезд собор ведет, с Ним возсиявший,/ и Рождество Богочеловечно/ является внутрь Вифлеема быти./ Все, убо верую Сего Рождество/ благочестно плещуще, ликуим// хвалу предпразднственную.

2. Стих: Мене ждут праведницы, // дондеже воздаси мне.

Явися мира концем праотцев память:

3. Стих: Из глубины возвах к Тебе, Господи, // Господи, услыши глас мой.

Славою украшается/ Божественнаго причастия/ Адам, радуясь днесь,/ яко основание и утверждение праотцев мудрых,/ созыграет же Авель, и Енох веселится,/ и ликует Сиф и Ноэ купно;/ с патриархи же поет Авраам всехвальный,/ и рождение без отца ныне Мелхиседек видит свыше./ Темже Божественную память Христовых праотцев/ и мы совершающе, молим// спастися душам нашим.

4. Стих: Да будут уши Твои // внемлюще гласу моления моего.

Славою украшается:

5. Стих: Аще беззакония узриши, Господи, Господи, кто постоит? // Яко у Тебе очищение есть.

Облиста весело/ иже в пещи детей Богомудрых собор/ и Христово Рождество проповедует на земли;/ яко бо честная роса низшед, Господь/ Родшую спасает неопальну,/ соблюдает непорочну/ и обогащает Божественными дарованиями./ Темже и Богоприятный/ радуется Даниил, веселясь,/ Камень бо из Горы несечен провидя яве,/ со дерзновением молится// ныне о душах наших.

6. Стих: Имене ра́ди Твоего́ потерпéх Тя, Го́споди, потерпé душá моя́ в сло́во Твое́, // упová душá моя́ на Го́спода.

Облиста́ вéсело:

Стихи́ры предпра́зднества Рождества́ Христо́ва, глас 6:

7. Стих: От стра́жи у́тренняя до но́щи, от стра́жи у́тренняя, // да уповаéт Изра́иль на Го́спода.

Незаходíмое Со́лнце/ из Дéвственных ложéсн возсия́ти íдет, / просветíти всю подсо́лнечную, / чíстыми очесы́ и чíстыми дея́ньми / срéсти Сего́ потщíмся / и подъя́ти ны́не уготóвимся дýхом / грядúщаго во Своя́ страннóм рождествóм, я́коже благово́ли, / я́ко да устрáншиися ны едéмскаго жити́я / возведéт, я́ко Благоутрóбен, // в Вифлеéме ражда́ется.

8. Стих: Я́ко у Го́спода мíлость, и мно́гое у Него́ избавлéние, // и Той избáвит Изра́иля от всех беззакóний его́.

Незаходíмое Со́лнце:

9. Стих: Хвалíte Го́спода вси язы́цы, // похвалíte Его́ вси лю́дие.

На плещáх носíмый Херувíмских, / Бог Сло́во, плóти по Ипостáси соединíвся, / во всенепорóчное чрэво вселíся, и бысть Человéк, / и на зéмлю грядéт от Иúдова плéмене родíтися, / вертéп свят Всецарю́ благоукра́сися, / я́ко величайшáя палáта, / я́сли же, я́ко престóл огнезра́чен, / в нíхже я́ко Младéнца Дéва Марíя полага́ет, // во обновлéние создáния неопределéннаго.

10. Стих: Я́ко утвердíся мíлость Его́ на нас, // и íстина Господ́ня пребывáет во век.

В безсловéсных я́слех Тя полага́ет Дéва, / Бóжие Сло́во Безначáльное, / начáло приéмшее пáче умá, / моé бо разрешíти безсловéсие грядéши, / éже подъя́х зáвистию зми́ною, / пеленáми же повíтися, / я́ко да растóргнеши рúбы и пленíцы прегрешéний мо́их, / Едíне Блáже и Человеколю́бче. / Тémже Тя сла́влю, / пою́ и поклоня́юся прера́достно во плóти пришéствию Твоемú, // íмже свободíхся.

Сла́ва, стихи́ра отцо́в, глас 6:

Дани́л, муж желáний, / кáмень, без рукí отсéчен, вíдев Тя, Го́споди, / Младéнца, без сéмене рождéнна, пронаречé Тя, / из Дéвы воплощённа Сло́ва, / не-премéннаго Бóга // и Спáса душ нáших.

И ны́не, глас 6:

Вертéпе, благоукра́сися,/ Агница бо грядёт, чревоно́сящи Христа́,/ я́сли же, поды́мите/ сло́вом разреши́вшего от безсло́веснаго де́яния нас, земно́родных./ Па́стырие, свира́юще, свиде́тельствуйте чуде́си стра́шному,/ и волсви́ от Перси́ды, зла́то, и лива́н, и сми́рну Царю́ принесите,/ я́ко яви́ся Госпо́дь из Де́вы Ма́тере./ Емуже́ и, при́никше, ра́бски Ма́ти поклони́ся/ и привеща́ше к держи́мому на объ́ятиих Ея́:/ ка́ко все́ялся еси́ Мне?/ Или́ ка́ко прозя́бл еси́ во Мне, // Изба́вителю мой и Бо́же?

Лити́я:

Стихи́ра хра́ма, зате́м:

Стихи́ра предпра́зднества, глас 5:

Но́сиши Ада́мов зрак,/ во о́бразе Бо́жии Сый все́совершенство́й,/ и хо́щещи рука́ми держа́тися,/ руко́ю вся содержа́й си́лою Твое́ю,/ Чи́стая Всенепоро́чная провеща́ваше глаго́лющи:/ ка́ко ты пелена́ми повию́ я́ко Младенца́,/ ка́ко сосца́ми пита́ю Тя, все́ческая пита́ющаго,/ ка́ко Твое́й па́че ума́ нищете́ удивлю́ся,/ ка́ко Ты Сы́на Моего́ нареку́, Ра́ба Твоя́ ны́не су́щи?/ Пою́, благословлю́ Тя, // пода́ющаго ми́ру ве́лию ми́лость.

Младенца́, воплоща́ема из Нея́,/ предвече́наго Бо́га, Всенепоро́чная зря́щи,/ рука́ми держа́щи, и облобыза́ющи ча́сто,/ и ра́дости исполня́ющися, провеща́ваше Ему́:/ Бо́же Вы́шний, Царю́ Невиди́мый,/ ка́ко зрю́ Тя и разумети́ та́инства не могу́,/ безме́рныя нищеты́ Твоея́?/ Вертéп бо малейши́й и сей чу́ждий/ внутрь́ вмеща́ет Тя, ро́ждшагося,/ и де́вства не реши́вша,/ ложесна́ соблю́дшаго, я́ко прэ́жде рождества́, // и да́ющаго ве́лию ми́лость.

Сия́ ра́бски Чи́стая, ужа́сно веща́ющи,/ услы́шаше волхво́в пред верте́пом,/ купно́ предстоя́щих, и к ним рече́:/ Кого́ и́щете вы?/ Я́ко ви́жду бо, от инода́льных страны́ приидо́сте,/ пе́рсский о́браз и мудрова́ние иму́ще./ Стра́нен исхо́д и ше́ствие сотвори́сте/ и к страна́ствовавшему свы́ше/ и страна́нно в Мя́ Все́льшемуся, я́ко весть,/ со тща́нием приидо́сте Тому́ поклони́тися, // да́рующему ми́ру ве́лию ми́лость.

Сла́ва, стихи́ра отцо́в, глас 3:

Пра́отцев собо́р, празднолю́бцы,/ прииди́те, псаломски́ да восхва́лим:/ Ада́ма пра́отца, Ено́ха, Но́я,/ Мелхиседе́ка, Авра́ама, Иса́ака и Иа́кова,/ по зако́не Моисе́я, и Ааро́на,/ и Иису́са, Самуи́ла и Дави́да,/ с ними́же Иса́ию, Иереми́ю, Иезеки́иля, и Дании́ла, и двана́десять вку́пе,/ Илию́, Елиссе́я и всех,/ Заха́рию, и Крести́теля, и пропове́давшия Христа́ // жизнь и воскресе́ние ро́да на́шего.

И ны́не, стихі́ра предпра́зднства, глас 3:

Благоукра́сися, Вифле́еме,/ отвéрзися бо Еде́м,/ гото́вися, Евфра́фо,/ обновля́ется бо Ада́м и Е́ва с ним:/ кля́тва бо разори́ся,/ спасе́ние ми́ру процветé,/ и ду́ши пра́ведных украша́ются,/ я́ко дар дароно́сия, вме́сто ми́ра пе́ние прино́сюще,/ спасе́ние душе́вное и нетле́ние прие́млюще./ Се бо в я́слех возлежа́й/ предповелева́ет пе́ние духо́вное соверша́ти вопи́ющим непреста́нно:// Го́споди, сла́ва Тебе́.

Стихи́ры на стихо́вне:

Воскрéсные, глас 2:

До́ме Евфра́фов, гра́де святы́й,/ проро́ков сла́во, украси́ дом,// в нёмже Бо́жественный ражда́ется.

Стих: Бог от ю́га приидет,/ и Святы́й из горы́ приосене́нныя ча́щи.

Вифле́еме, землё́ Иу́дова,/ сущему́ по плóти жи́тельство све́тло,/ угото́ви Бо́жественный верте́п,/ в нёмже Бог плóтию ражда́ется из Неискусому́жныя Святы́я Дёвы,// во е́же спасти́ род наш.

Стих: Го́споди, услы́шах слух Твой и убо́яхся,/ Го́споди, разумéх дела́ Тво́я и ужасо́хся.

Прииди́те вси, Христо́во Рожде́ство ве́рно предпра́зднуим/ и мы́сленне пе́ние, я́ко звезду́, предлага́ем,/ волхво́в славосло́вия с па́стырьми возопи́ем:/ прииде́ Спасе́ние челове́ком из Дёвственных ложе́сн,// ве́рныя призыва́я.

Сла́ва, стихі́ра отцо́в, глас 2:

Ра́дуйтесь, проро́цы честни́и, и́же зако́н Господень до́бре учини́вше/ и ве́рою я́вльшеся непобеди́мии столпи́ и непрекло́ннии;/ вы бо и ходатаи́ яви́стеся Но́ваго За́вета Христо́ва/ и, преста́вльшеся к Небеси́,// Того́ моли́те умири́ти мир и спасти́ ду́ши на́ша.

И ны́не, стихі́ра предпра́зднства, глас 2:

Се вре́мя прибли́жися спасе́ния на́шего,/ гото́вися, верте́пе, Де́ва прибли́жается роди́ти,/ Вифле́еме, землё́ Иу́дова, красуй́ся и весели́ся,/ я́ко из тебе́ возсия́ Госпо́дь наш./ Услы́шите, го́ры, и хо́лми,/ и окрестны́я страны́ Иуде́йския,/ я́ко грядёт Христо́с,/ да спасёт, егóже созда́, челове́ка,// я́ко Человеколю́бец.

Тропа́рь отцо́в, глас 2:

Вѣлия вѣры исправлѣния:/ во истѣчнице пла́мене, я́ко на водѣ упокоѣния,/ свя-
тѣи триѣ ѡтроцы ра́довахуся,/ и проро́к Даниїл львом па́стырь, я́ко овца́м, яв-
ля́шеся.// Тех моли́твами, Христе́ Бо́же, спаси́ ду́ши на́ша. **(Дважды)**

Тропа́рь предпра́зднство, глас 4:

Написова́шеся иногда́ со ста́рцем Ио́сифом,/ я́ко от се́мене Дави́дова, в Виф-
ле́еме Мари́ам,/ чревоно́сящи безсе́менное Рожде́ние./ Наста́ же вре́мя рожде-
ства,/ и ме́сто ни еди́ноже бе обита́лищу,/ но, я́коже кра́сная пала́та,/ верте́п
Цари́це показáшеся.// Христос ражда́ется пре́жде па́дший воскресити о́браз.

УТРЕНЯ.

Бог Госпо́дь, глас 6: Тропа́рь воскрѣсный, глас 6:

Ангельския Си́лы на грѣбе Твоѣм,/ и стрегу́щии омертвѣша;/ и стоя́ше Мари́я
во грѣбе,/ и́щущи Пречи́стаго Те́ла Твоего́./ Плені́л еси́ ад, не искуси́вся от не-
го́;/ сре́тил еси́ Де́ву, да́руяй живѣт.// Воскреси́ из ме́ртвых, Го́споди, сла́ва
Тебе́. **(Дважды)**

Сла́ва, тропа́рь отцо́в, глас 2:

Вѣлия вѣры исправлѣния:/ во истѣчнице пла́мене, я́ко на водѣ упокоѣния,/ свя-
тѣи триѣ ѡтроцы ра́довахуся,/ и проро́к Даниїл львом па́стырь, я́ко овца́м, яв-
ля́шеся.// Тех моли́твами, Христе́ Бо́же, спаси́ ду́ши на́ша.

И ны́не, тропа́рь предпра́зднство, глас 4:

Написова́шеся иногда́ со ста́рцем Ио́сифом,/ я́ко от се́мене Дави́дова, в Виф-
ле́еме Мари́ам,/ чревоно́сящи безсе́менное Рожде́ние./ Наста́ же вре́мя рожде-
ства,/ и ме́сто ни еди́ноже бе обита́лищу,/ но, я́коже кра́сная пала́та,/ верте́п
Цари́це показáшеся.// Христос ражда́ется пре́жде па́дший воскресити о́браз.

Кано́н отцо́в, глас 6:

Песнь 1:

Ирмос: Волно́ю морско́ю/ Скры́вшаго дрѣвле/ гони́теля мучи́теля – под земле́ю
скры́ша спасѣнных ѡтроцы;/ но мы, я́ко отрокови́цы,/ Го́сподеву пої́м,// сла́вно
бо просла́вился.

Катава́сия: Христос ражда́ется:

Песнь 3:

Тебѣ, на водах повѣсившаго всю зѣмлю неодолимо, / тварь, видевши на лобнем висима, / ужасом многим содрогашеся, // несть свят, разве Тебѣ, Господи, взывающаи.

Песнь 4:

На Крестѣ Твоем Божественное истощание провидя, Аввакум, / ужасся, вопиаше: / Ты сильных пресека еси державу, Блаже, // приобщаяся сущим во аде, яко Всесилен.

Песнь 5:

Богоявления Твоего, Христѣ, / к нам милостивно бывшаго, / Исаия, Свет видел Невечерний, / из нощи утреневав, взываше: / воскреснут мертвии, / и востанут сущии во гробех, // и вси земнороднии возрадуются.

Песнь 6:

Житейское море, / воздвигаемое зря напастей бурю, / к тихому пристанищу Твоему притек, вопию Ти: // возведи от тли живот мой, Многомилостиве.

Кондак отцов, глас 1:

Веселися, Вифлееме, / Евфрафо, готовися: / се бо Агница, Пастыря великаго / во утробе носящи, / еже родити тщится, / Егоже зряще, Богоноснии отцы веселятся, // с пастырьми поюще Деву доящую.

Песнь 7:

Неизреченное чудо: / в пещи Избавивый преподобныя отроки из пламене / во Гробе мертв, бездыханен полагается / во спасение нас, поющих: // Избавителю Боже, благословен еси.

Песнь 8:

Ужаснися, бойся, Небо, / и да подвижатся основания земли: / се бо в мертвецех вменяется в Вышних Живый / и во Гроб мал странноприимается. / Егоже, отроцы, благословите, / священницы, воспойте, // людие, превозносите во вся веки.

Песнь 9:

Не рыдай Мене, Мати, / зрящи во Гробе, / Егоже во чреве без семени зачала еси, Сына: / востану бо, и прославлюся, / и вознесу со славою непрестанно яко Бог // верую и любовьию Тя величающаи.

Хвалітны псалмы, глас 5:

Всякое дыханіе да хвалит Гóспода./ Хваліте Гóспода с небéс,/ хваліте Егó в вы́шних.// Тебé подобáет песнь Бóгу.

Хваліте Егó вси áнгели Егó,/ хваліте Егó вся сїлы Егó.// Тебé подобáет песнь Бóгу.

Стихіры отцóв, глас 5:

1. Стих: Сотворіти в них суд напісан:/ слава сїя бóдет всем преподóбным Егó.

Возвы́си твой глас істинно,/ Сїоне, Божéственный граде,/ и проповéждь отцéв Божéственную пáмять,/ со Авраáмом Исаáка и Иáкова почита́ющи присносла́внаго,/ се со Иúдою и Левїем велича́ем Моисéя вели́каго и Аарóна чúднаго/ и почита́ем с Давїдом Иисúса и Самуїла вси./ Предпразднству Христóву Божéственную похвалу́/ пéснями Божéственными плéщущи,/ я́же от Него́ благода́ть уллучїти прóсим// и мїру даровáти вéлию мїлость.

2. Стих: Хваліте Бóга во святых́ Егó,/ хваліте Егó в утвержéнии сїлы Егó.

Грядї, на óгненную иногда́ возседый, Илиé, Божéственную колесніцу,/ и Богомúдре Елиссée со Езекїею во едїно,/ Осїе, кúпно срадуйтеся,/ честнáя же двенадесáтице прорóков Богодохновéнная,/ Рождествú Христóву сликовствуйте/ и в пéснях, вси праведнии, воспойте,/ óтроцы всеблажéннии,/ росóю Дúха угасївшии пла́мень пéщный,/ о нас молїте Христа́// низпослáти душáм нáшим вéлию мїлость.

3. Стих: Хваліте Егó на сїлах Егó,/ хваліте Егó по мнóжеству вели́чества Егó.

Явїся, Я́же от вéка на землі/ проповéдаемая прорóки в вещáниих, Дéва Богорóдица,/ Ю́же патриáрси мúдри и праведных собóри возвещáют,/ с нїми же сликовствуйет и жен благолéпие:/ Сáрра, Ревéкка, Рахїль, и Анна же,/ и сла́вная Мариáм Моисеева кúпно./ С сїми срадуются и мїра концы́,/ вся тварь почита́ет,/ я́ко Зиждїтель всех и Бог приходит плóтию родїтися// и даровáти нам вéлию мїлость.

Стихіры предпразднства, глас 4:

4. Стих: Хваліте Егó во гласе тру́бнем,/ хваліте Егó во псалтїри и гúслех.

Исаии глас исполня́ется:/ се бо Дéва Необъя́тнаго,/ описúемаго плóтию,/ во утробе нóсит/ и пресла́вно родїти приходит./ Богоприятный верте́пе, украсїся,/ Вифлеэ́ме, уготóвися:/ Царь бо тя изво́ли во обїтелище./ Примїте, я́сли,/ повивáема Младéнца Христа́,// хотя́ща решїти плени́цы согрешéний чело́векóв бла́гостию.

Стихи́ры пра́отцев, глас 2:

5. Стих: Хвалите Его́ в тимпа́не и ли́це,/ хвалите Его́ во стру́нах и орга́не.

Написа́вся с рабы́ Влады́ка,/ прегрешéний рукописа́ние раздра́ти хотя́/ и написа́ти вся в кни́зе живу́щих,/ умерщвлéнные украде́нием зми́я./ Де́ва же но́сит Тя, вся нося́щаго,/ плóтию ме́ртвенною обложе́на/ и вселити́ся в ма́лый верте́п благоволи́вшаго./ Его́же, ро́ждшася,/ чи́ни Го́рнии Ангельсти́и восхвали́ша с Божéственными па́стыри, // дивя́щеся держа́ве Твоéй.

6. Стих: Хвалите Его́ в кимва́лех доброгласных, хвалите Его́ в кимва́лех восклицáния./ Вся́кое дыха́ние да хва́лит Го́спода.

Свётлый же и одушевлéнный о́блак,/ дождь нося́щи Небе́сный,/ сей на зéмлю ны́не предгрядéт проли́яти,/ я́ко да напои́т земли́ лице́./ Весна́ благода́ти,/ мы́сленная ла́стовица,/ вну́три во утробе́ держа́щи,/ неизглаго́ланным сло́вом ражда́ет,/ зи́му безбо́жную разоря́ющи,/ пала́та, чи́стая и нескве́рная,/ Ца́ря в верте́п // привноша́ет воплоща́емаго.

Сла́ва, стихи́ра отцо́в, глас 8:

Зако́нных учéний сосло́вие/ во плóти явля́ет Христо́во Божéственное Рожде́ство,/ пре́жде зако́на благода́ть благовесту́ющая,/ я́ко па́че зако́на в ве́ре сущи́я;/ те́мже, тле́ния изменéнию сущу́ ходата́йственно,/ во а́де держи́мым душáм предпроповéдаху воскресе́ния ра́ди:// Го́споди, сла́ва Тебе́.

И ны́не, глас 2:

Преблагословéнна еси́, Богороди́це Де́во,/ Вопло́щшим бо ся из Тебе́ ад плени́ся,/ Ада́м воззва́ся,/ кля́тва потреби́ся,/ Е́ва свободи́ся,/ сме́рть умертви́ся, и мы о́жи́хом./ Тем воспева́юще вопи́ем:/ благословéн Христо́с Бог, // благоволи́вши та́ко, сла́ва Тебе́.

Пе́ред пе́рвым ча́сом, стихи́ра ева́нгельская де́вятая, Слава и ныне, глас 5:

Я́ко в послéдняя léта,/ сущу́ по́зде от суббо́т,/ предста́л еси́ друго́м Христé,/ и чудесе́м чу́до известу́еши,/ заключéным входом двéрным,/ е́же из ме́ртвых Твоé воскресе́ние./ Но испо́лнил еси́ ра́дости ученики́,/ и Ду́ха Свята́го препода́л еси́ им,/ и вла́сть подал еси́ оставле́ния грехо́в/ и Фо́мы не оста́вил еси́ в неве́рствия погружа́тися бу́ри./ Те́мже пода́ждь и нам ра́зум и́стинный и оставле́ние прегрешéний, // благоутро́бне Го́споди.

На литургии, по входе:

Тропарь воскресный, глас 6:

Ангельския Силы на гробе Твоем, / и стрегущии омертвеша; / и стояше Марія во гробе, / ищущи Пречистаго Тела Твоего. / Пленил еси ад, не искусився от него; / встретил еси Деву, даруяй живот. // Воскресый из мертвых, Господи, слава Тебе.

Тропарь отцов, глас 2:

Велия веры исправления: / во источнице пламене, яко на воде упокоения, / святити трие отроцы радовахуся, / и пророк Даниил львом пастырь, яко овцам, являшеся. // Тех молитвами, Христэ Бже, спаси души наша.

Тропарь предразднства, глас 4:

Написовашеся иногда со старцем Иосифом, / яко от семени Давидова, в Вифлееме Мариам, / чревоносящи безсеменное Рождение. / Наста же время рождества, / и место ни единоеже бе обиталищу, / но, якоже красная палата, / вертеп Царице показашеся. // Христос раждается прежде падший воскресити образ.

Слава, кондак отцов, глас 1:

Веселися, Вифлееме, Евфрафо, готовися: / се бо Агница, Пастыря великаго во утробе носящи, еже родити тщится, / Егоже зряще, Богоноснии отцы веселятся, // с пастырьми поюще Деву доящую.

И ныне, кондак предразднства, глас 3:

Дева днесь Превечное Слово / в вертепе грядет родити неизреченно; / ликуй, вселенная, услышавши, / прослави со Ангелы и пастырьми // хотящаго явитися Отроча Младо, Превечнаго Бога.

Прокимен праотцев, глас 4, песнь отцев: **Благословен еси, Господи Бже отец наших, / и хвально и прославлено Имя Твое во веки.**

Причастны: Воскресный и отцев: **Радуйтесь, праведнии о Господе, правым подобает похвала.**

По установившейся церковной практике, сразу по окончании Литургии совершается 9-й час и великая вечерня праздника Рождества Христова.

ВЕЛИКАЯ ВЕЧЕРНЯ

Чтец: Приидите, поклонимся Царéви нашему Богу...

Великая ектения: Блажен муж: Ектения малая:

Господи, воззвах, глас 2:

Господи, воззвах к Тебé, услыши мя./ Услыши мя, Господи./ Господи, воззвах к Тебé, услыши мя:/ вонми гласу молéния моего,/ внигда воззвати ми к Тебé.// Услыши мя, Господи.

Да исправится молитва моя,/ яко кадило пред Тобою,/ воздеяние руку моею/ – жертва вечерняя.// Услыши мя, Господи.

Стихиры праздника, глас 2:

1. Стих: Из глубины воззвах к Тебé, Господи,// Господи, услыши глас мой.

Приидите, возрадуемся Господеви, настоящую тайну сказующе:/ средостение градежа разрушися,/ пламенное оружие плещи даёт,/ и Херувим отступает от древа жизни,/ и аз райския пищи причащаюся,/ от негоже произгнан бых преслушания ради;/ неизменный бо образ Отечь,/ образ присносущия Его,/ зрак раба приимлет,/ от Неискусобрачныя Матере прошед,/ не предложение претерпев,/ еже бо бе пребысть, Бог Сый истинен,/ и еже не бе прият, Человек быв человеколюбия ради./ Тому возопийм:// рождейся от Девы Бóже, помилуй нас.

2. Стих: Да будут уши Твой// внимлюще гласу молéния моего.

Приидите, возрадуемся Господеви:

3. Стих: Аще беззакония назириши, Господи, Господи, кто постоит?// Яко у Тебé очищение есть.

Господу Иисусу рождшуся от Святыя Девы,/ просветишася всяческая:/ пастьрем бо свиряющим и волхвом поклоняющимся,/ Ангелом воспевающим, Ирод мятешся,/ яко Бог во плоти явися,// Спас душ наших.

4. Стих: Имене ради Твоего потерпех Тя, Господи, потерпé душа моя в слово Твое,// упова душа моя на Господа.

Господу Иисусу:

5. Стих: От стражи утренния до нощи, от стражи утренния,// да уповаёт Израиль на Господа.

Царство Твое, Христé Бóже,/ Царство всех веков,/ и Владычество Твое во всяком роде и роде,/ воплотивыйся от Духа Святаго/ и от Приснодевы Марии вочеловечивыйся,/ свет нам возсия, Христé Бóже,/ Твое пришествие;/ Свет от

Свѣта, Отчее сияніе,/ всю тварь просветил еси,/ всякое дыханіе хвалит Тя./
Образ славы Отчия, Сый, и прежде Сый, // и возсиявый от Дѣвы, Бѣже, по-
милуй нас.

6. Стих: Яко у Господа милость, и многое у Него избавление, // и Той избавит
Израиля от всех беззаконий его.

Царство Твое, Христе Бѣже:

7. Стих: Хвалите Господа вси языцы, // похвалите Его вси людие.

Что Тебе принесем, Христе, / яко явился еси на земли / яко Человек нас ради? /
Каждо бо от Тебе бывших тварей благодарение Тебе приносит: / Ангели –
пение; небеса – звезду; / волсви – дары; пастирие – чудо; / земля – вертеп; пус-
тыня – ясли; / мы же – Матерь Дѣву. // Иже прежде век, Бѣже, помилуй нас.

8. Стих: Яко утвердися милость Его на нас, // и истина Господня пребывает во
век.

Что Тебе принесем, Христе:

Слава и ныне:

Августу единоначальствующу на земли, / многоначалие человек преста; / и
Тебе вочеловечшуся от Чистыя, / многобожие идолов упразднися, / под едином
царством мирским гради быша, / и во Единое Владычество Божества языцы
вероваша. / Написашася людие повелением кесаревым, / написахомся, вернии,
Именем Божества, / Тебе, вочеловечшаго Бога нашего. // Велия Твоя
милость, Господи, слава Тебе

Прокимен дня (в неделю вечера): Се ныне благословите Господа, вси раби Гос-
подни.

Паремии: Числ чтение. Пророчества Михеина чтение.

Диакон: Вонмем.

Во днех оных глаголет Господь: соберу сокрушенную и отриновенную прииму, яже отринух.
И положу сотрениую во остаток и отриновенную в язык крепок, и воцарится Господь над
ними в горе Сионстей от ныне и во веки. И ты, Вифлееме, доме Евфрафов, еда мал еси, еже
быти в тысящах Иудовых. Из тебе бо Мне изыдет Старейшина, еже быти в Князя во Из-
раили; и исходи Его из начала, от дней века. Сего ради даст я, до времени раждающия поро-
дит, и прочии от братьей Его обратятся к сыном Израилевым. И станет, и узрит, и упасет
паству Свою крепостию Господь. И в славе Имене Господа Бога своего пребудут, зане ныне
возвеличится даже до конец земли.

Открываются Царские врата.

По установившейся практике, зафиксированной в Синодальных нотных изданиях, поются только последние слова тропаря. Поэтому исполнение этих тропарей со стихами совершается в следующем порядке:

Чтец (возглашает): Тайно роди́лся еси́ в верте́пе, / но Не́бо Тя всем пропове́да, / я́коже уста́, звезду́ предлага́я, Спа́се, / и волхвы́ Ти приведе́, ве́рою покланя́ющияся Тебе́; // **Чтец (поет):** с ни́миже поми́луй нас.

Хор: С ни́миже поми́луй нас.

Чтец: Основáния Егó на гора́х святы́х, / лю́бит Господь врата́ Сио́ня па́че всех селéний Иа́ковлих, / пресла́вная глаго́лашася о Тебе́, гра́де Бо́жий. / Помяну́ Ра́ав и Вавило́на, ве́дущим мя. / И волхвы́ Ти приведе́, ве́рою покланя́ющияся Тебе́; // **Хор:** С ни́миже поми́луй нас.

Чтец: И се иноплеме́нницы, и Тир, и лю́дие Ефио́пстии, / сии́ бы́ша та́мо. / Ма́ти Сио́н рече́т: / Челове́к и Челове́к роди́ся в нем, / и Той основа́ и Вы́шний. / И волхвы́ Ти приведе́, ве́рою покланя́ющияся Тебе́; // **Хор:** С ни́миже поми́луй нас.

Чтец: Господь пове́сть в писа́нии люде́й / и князе́й сих, бы́вших в нем, / я́ко веселя́щихся всех жили́ще в Тебе́. / И волхвы́ Ти приведе́, ве́рою покланя́ющияся Тебе́; // **Хор:** С ни́миже поми́луй нас.

Чтец: Сла́ва Отцу́ и Сы́ну и Свято́му Ду́ху. / И волхвы́ Ти приведе́, ве́рою покланя́ющияся Тебе́; // **Хор:** С ни́миже поми́луй нас.

Чтец: И ны́не и при́сно и во ве́ки веко́в. Ами́нь. / И волхвы́ Ти приведе́, ве́рою покланя́ющияся Тебе́; // **Хор:** С ни́миже поми́луй нас.

Чтец (возглашает): Тайно роди́лся еси́ в верте́пе, / но Не́бо Тя всем пропове́да, / я́коже уста́, звезду́ предлага́я, Спа́се, / и волхвы́ Ти приведе́, ве́рою покланя́ющияся Тебе́; // **Чтец (поет):** С ни́миже поми́луй нас.

Проро́чества Иса́ина чтéние. Проро́чества Вару́хова чтéние.

Диакон: Прему́дрость.

Проро́чества Дани́лова чтéние.

Диакон: Во́нмем.

Рече́ Дани́л Навуходоно́сору: ты, царю́, ви́дел еси́, и се о́браз еди́н, о́браз о́ный вели́к, и о́бличие егó округло, стоя́ше пред лицéм твои́м, и ви́дение егó стра́шно. Образ, егóже глава́ от злата́ чиста; ру́це, и пёрси, и мы́шцы егó сребряны; чре́во и стéгны ме́дяны; го́лени желе́зны; но́зе часть у́бо желе́зна, и часть не́кая скуде́льна. Ви́дел еси́, до́ндеже отто́ржеся ка́мень от горы́ без рук и порази́ о́браз, на но́ги желе́зные и скуде́льные, и исти́н я до конца́. Тогда́ исти́ншася во еди́но скуде́ль, желе́зо, медь, серебро́, злато́, и бы́ша, я́ко прах от гумна́ жа́твеннаго, и взят я мно́жество дохновéния, и ме́сто не обрeтеся им; ка́мень же, порази́вый

образ, бысть в гору велию и исполни всю землю. Сие есть соние, и сказание его речем пред царем: возставит Бог Небесный Царство, еже во веки не ислееет, и Царство Его людем иным не оставится. И истнит, и измождит вся царствия, и то востанет во веки. Имже образом видел еси, яко от горы отсечеса камень без рук и сотры скудель, железо, медь, сребро, злато. Бог великий сказа царю, имже подобает быти по сих, и истинно соние и верно сказание Его.

Открываются Царские врата.

Чтец (возглашает): Возсиял еси, Христэ, от Девы, разумное Солнце Правды,/ и звезда Тя показá в вертепе, вмещающаяся Невместимаго./ Волхвы наставил еси на поклонение Твое,/ с нимиже Тя величаем:// **Чтец (поет):** Жизнодавче, слава Тебе.

Хор: Жизнодавче, слава Тебе.

Чтец: Господь воцарися, в лепоту облечеса,/ облечеса Господь в силу и препоясая,/ ибо утверди вселенную, яже не подвижится./ Готов престол Твой оттоле,/ от века Ты еси./ Волхвы наставил еси на поклонение Твое,/ с нимиже Тя величаем:// **Хор:** Жизнодавче, слава Тебе.

Чтец: Воздвигоша реки, Господи,/ воздвигоша реки гласы своя./ Возмут реки сотрения своя/ от гласов вод многих./ Волхвы наставил еси на поклонение Твое,/ с нимиже Тя величаем:// **Хор:** Жизнодавче, слава Тебе.

Чтец: Дивны высоты морския,/ дивен в высоких Господь./ Свидения Твоя уверишася зело:/ дому Твоему подобает святыня, Господи, в долготу дней./ Волхвы наставил еси на поклонение Твое,/ с нимиже Тя величаем:// **Хор:** Жизнодавче, слава Тебе.

Чтец: Слава Отцу и Сыну и Святому Духу./ Волхвы наставил еси на поклонение Твое,/ с нимиже Тя величаем:// **Хор:** Жизнодавче, слава Тебе.

Чтец: И ныне и присно и во веки веков. Аминь./ Волхвы наставил еси на поклонение Твое,/ с нимиже Тя величаем:// **Хор:** Жизнодавче, слава Тебе.

Чтец (возглашает): Возсиял еси, Христэ, от Девы, разумное Солнце Правды,/ и звезда Тя показá в вертепе, вмещающаяся Невместимаго./ Волхвы наставил еси на поклонение Твое,/ с нимиже Тя величаем:// **Чтец (поет):** Жизнодавче, слава Тебе.

Пророчества Исаиина чтение. Пророчества Исаиина чтение.

Ектения малая:

Прокимен, глас 1: Господь рече ко Мне: Сын Мой еси Ты, Аз днесь роди́х Тя.

Ко Евреем послания святого Апостола Павла чтение.

Глас 5: Аллилу́ия, аллилу́ия, аллилу́ия.

Сподóби, Го́споди: Ектенія́ проси́тельная:

Иерей: Мир всем. **Хор:** И дýхови твоемý. **Диáкон:** Главы́ наша́ Го́сподеви при-
клóним. **Хор:** Тебé, Го́споди.

Иерей: Бýди держа́ва Ца́рствия Твоего́ благословéна и препросла́влена. Отца́ и
Сы́на и Свята́го Дýха, ны́не и прísно и во вéки векóв.

Хор: Амíнь.

Диáкон: Премýдрость.

Хор: Благослови́.

Иерей: Сый благословéн Христóс Бог наш, всегда́, ны́не и прísно и во вéки ве-
кóв.

Хор: Амíнь. Утверди́, Бо́же, святу́ю правосла́вную вéру, правосла́вных хри-
стиа́н во век вéка.

Иерей: Пресвята́я Богорóдице, спаси́ нас...

**По отпусе великой вечерни на середине храма поставляется горящий светиль-
ник, и около него изшедшие из алтаря священнослужители поют:**

Тропа́рь пра́здника, глас 4:

Духовенство: Рожде́ство́ Твое́, Христé Бо́же наш,/ возсия́ мýрови свет
ра́зума,/ в нем бо звезда́м служа́щи/ звездо́ю уча́хуся/ Тебé клáняться,
Со́лнцу Пра́вды,/ и Тебé вéдети с высоты́ восто́ка.// Го́споди, сла́ва Тебé.

Сла́ва и ныне, конда́к пра́здника, глас 3:

Де́ва днесь Пресу́щественнаго ражда́ет,/ и земля́ верте́п Непристу́пному при-
но́сит./ А́нгели с па́стырьми славосло́вят,/ волсви́ же со звездо́ю путе-
ше́ствуют:// нас бо ра́ди роди́ся Отроча́ Мла́до, Превéчный Бог.

(Величание не поется.) Затем, по традиции, поются многолетны.